



La grupp da «Berna è dapertut» che sa preschenta a Cuira.

MAD

«Berna è dapertut» visita Cuira

■ (cp) Sin invit da la Biblioteca chantunala e da la Biblioteca da la citad da Cuira ed en il rom da l'emna da las bibliotecas grischunas sa ferman ina commembra e trais commembers da la grupp «Berna è dapertut» il settember a Cuira. Mesemna, ils 10 da settember sa preschentan l'accordeonist *Adi Blum* e l'autura ed ils auturs *Laurence Boissier*, *Arno Camenisch* e *Beat Sterchi* en la Biblioteca chantunala. Ils quatter acturs

dattan – tuttina sco ina furmaziun da jazz da chombra – in concert linguistic cun istorgias dal mintgadi, cun epos curts scurils, cun lirica selvadia u cun in text musical. La grupp «Berna è dapertut» sa cumpona en total dad 11 acturas ed acturs. Tut tenor l'occurrenza sa preschentan els en differentas furmaziuns e quasi mintga preschentaziun è in eveniment unic.

«Berna è dapertut» è sa preschenta adina puspè sin tribu-

nas pitschnas e grondas en Svizra ed a l'exteriur, dal Hårdöpfu Chäuer a Schöftland fin al Schiffbau dal Teater da la citad da Turitg, da Mühleturnen e Langenthal fin Vienna e Paris. En Svizra è oz la furmaziun «Berna è dapertut» ina da las furmaziuns da spoken-word las pli impurtantas ed in motor da l'entir moviment.

La preschentaziun en la Biblioteca chantunala cumenza a las 18.00 ed è gratuita.